

**T R A N S K R I P T**  
**NASTAVKA 11. SJEDNICE DOMA NARODA**  
**PARLAMENTARNE SKUPŠTINE BOSNE I HERCEGOVINE,**  
**ODRŽANE 25.2.2008.GODINE, S POČETKOM U 11,20 SATI**

PRVI ZAMJENIK  
PREDSJEDAVAJUĆEG  
MLADEN IVANIĆ:

Predlažem da počnemo da radimo. Svi smo kompletni.

Dame i gospodo, poštovane kolegice i kolege delegati, predstavnici Savjeta ministara pozdravljam vas sve i predstavnike medija.

I mi, na samom početku, prvo ćemo završiti našu 11. sjednicu koju smo prekinuli povodom izjašnjenja o Prijedlogu zakonu o denacionalizaciji u prvom čitanju, čiji je predlagatelj Savjet ministara.

Mi smo na prošloj sjednici, kao što znate, obavili diskusiju povodom ovog prijedloga zakona. Kao što znate, odložili smo izjašnjenje o tom zakonu za ovu sjednicu i prijedlog da se ne vodi više rasprava nego da se pristupi izjašnjenju. To znači: ili će zakon proći ili neće.

Današnjem nastavku prisustvuju svi delegati, osim gospodina Tihića koji je opravdao svoje odsustvo tako da su stvoreni uslovi da možemo da se izjasnimo.

Prije izjašnjenja, prije toga, jedna molba. Molim vas sve da stavite kartice, tehnika je osposobljena, glasaćemo od danas elektronski. Vi imate zelenu, bijelu i crvenu ...boju, fali plava ali evo, pa ćemo se moći izjašnjavati i elektronski, tako da vas molim da obavezno stavite svoje kartice u za to predviđena ...mjesto da bi se moglo pristupiti glasanju.

Prije glasanja, gospođa Majkić je zamolila riječ.

DUŠANKA MAJKIĆ:

Poštovani članovi Kolegija, poštovane kolege, prije nego što se izjasnimo o ovome, ja bih htjela reći da mi je veoma žao što Kolegij nije imao razumijevanje da sačeka sutrašnju javnu raspravu koja će se dogoditi ovdje, u ovom domu, i zbog toga što moramo donijeti konačnu odluku, prije nego što se čuju meritorna mišljenja vezana za ovaj zakon, jer Klub delegata srpskog naroda bio je spreman da učini, dakle, taj ustupak da se na osnovu meritornih mišljenja dođe do konačnog saznanja, čak i onih koji nisu našli za shodno da taj zakon je protiv svih građana i protiv svih nacionalnih interesa. Dakle, zbog toga što je to tako urađeno kako jeste, ja u ime Kluba srpskog naroda kažem da mi nećemo podržati principe ovog zakona.

MLADEN IVANIĆ:

Hvala lijepo.

Ja predlažem da ne otvaramo raspravu. Kolegij je donio odluku da se zakaže sjednica. Sve smo uradili. Prošli put smo imali prijedlog da se samo izjašnjavamo o glasanju ali evo, ako neko još ima priliku da ili želju da nešto posebno kaže, omogućiću. Nema.

Dakle, prilazimo glasanju o Prijedlogu zakona o denacionalizaciji u prvom čitanju.

Molim vas da se izjasnite sa „za“, „suzdržan“ i „protiv“. E, sad, kako će tehnika?

ILIJA FILIPOVIĆ

/nije uključen mikrofon/

MLADEN IVANIĆ:

Jeste li ispritskali?

/zajednička diskusija/

MLADEN IVANIĆ:

Vidjećemo. Pošto je početak, imam puno dugmadi ovdje, pa ćemo ponoviti. Prvo kad ja, dakle pripremite se za glasanje.

Molim vas da glasate.

Ja imam informaciju da je glasanje završeno.

Rezultat? Izgleda da opet nije!

Još ćemo jednom probati elektronski. Ako ovaj put ne ide, onda ćemo vidjeti, dok se malo tehnika. Dakle, pripremite se za glasanje.

Možete glasati.

Glasanje je završeno.

„Za“ je bilo: dva, četiri, dva, četiri, šest, osam. Ukupno je glasalo „za“ 10, „protiv“ četiri.

Jedan iz RS „za“, četiri „protiv“, nema entitetske većine.

Zakon nije prošao, je li tako?

Da li ide drugi krug?

ILIJA FILIPOVIĆ:

Zakon nema drugog kruga.

MLADEN IVANIĆ:

Nema. Dobro. Hvala lijepo.

Molim vas, prema tome ovaj zakon nije prošao. Molim vas pet minuta pauze da bi tehnika mogla da promijeni nove trake pošto počinje nova sjednica ali samo pet minuta i odmah ćemo početi sa 12. sjednicom.

Hvala.

/PAUZA/

MLADEN IVANIĆ:

... .. da krenemo. Napravili smo malu grešku. Zakon je imao većinu potrebnu, natpolovičnu delegata, ali nije imao entitetsku većinu. Ja i gospodin Filipović smo pokušali u Kolegiju doći do saglasnosti. Nismo došli do saglasnosti, tako da moramo pristupiti ... drugom krugu.

Pripremite se glasanje. Dakle, pitanje je sad, glasi ... ko je „za“ ovaj zakon, a ko je „protiv“, ... pa ćemo vidjeti.

DUŠANKA MAJKIĆ

/nije uključen mikrofon/

MLADEN IVANIĆ:

Glasaju svi, svi glasaju.

\_\_\_\_\_ (?)

/nije uključen mikrofon/

MLADEN IVANIĆ:

Recite, recite, molim vas, recite slobodno.

ILIJA FILIPOVIĆ:

Irelevantno je kako će ali se trebaju izjašnjavati samo oni koji su „protiv“ da vidimo da li imamo opet većinu entitetsku „protiv“ toga.

MLADEN IVANIĆ:

Samo, molim vas, sekretaru: Da li glasaju svi ili samo oni koji su glasali? Ja, koliko znam, uvijek smo do sada glasali svi.

/zajednička diskusija/

MLADEN IVANIĆ:

Samo sekund. Imamo dva tumačenja. Jedno tumačenje gospođe Majkić koja kaže da glasaju samo oni koji su bili „protiv“, drugo tumačenje sekretara koji kaže da glasaju svi.

/zajednička diskusija/

MLADEN IVANIĆ:

Odredba Poslovnika kaže: *Ako se ne uspije*, misli se konsenzus u ovome, *odluke se donose većinom glasova onih koji su prisutni i glasaju pod uslovom da glasovi „protiv“ ne smiju sadržavati dvije trećine ili više glasova delegata izabranih iz svakog entiteta*. Dakle, svi glasaju na isto pitanje: Ko je „za“ zakon?

Molim da se spremite za glasanje.

Možete glasati. Ko je „za“, ko je „protiv“, ko je „suzdržan“?

Imamo situaciju da je iz RS: od pet delegata, četiri glasalo „protiv“, više od dvije trećine. Zakon nije dobio entitetsku većinu i zakon je pao u načelima.

Hvala vam.

Sjednica je završena u 11,35 sati.